

**Uunga siunnersuut: Nunami inuussutissarsiutinut tunngatillugu  
inuussutissarsiornermik siuarsaaneq pillugu Inatsisartut inatsisaata  
allanngortinneqarnera pillugu Inatsisartut inatsisaat nr. xx ulloq xx. xxx 2017-  
imeersoq**

(Annikitsunik taarsigassarsititsisarnermik aqqissuussineq)  
(Inuussutissarsiornermut, Suliffeqarnermut, Niuernermit Nukissiuuteqarnermullu  
Naalakkersuisoq)

**Akissutitut allakkiaq**

(Inuussutissarsiornermut, Suliffeqarnermut, Niuernermit Nukissiuuteqarnermullu  
Naalakkersuisoq)

**Aappassaaneerera**

Naalakkersuisut sinnerlugit Inuussutissarsiornermut Aatsitassaqaqarnermullu  
Ataatsimiititaliaq siunnersuummik sukumiisumik suliaqarsimanera pillugu  
qutsaviginnissaanga, aammalu Inuussutissarsiornermut Aatsitassaqaqarnermullu  
Ataatsimiititaliap akerliusoqarani allannguutissatut siunnersuutip akuersissutiginnissaanik  
innersuussisimanera qujassutigissavara.

Misileraaffittut piffissarititap kingornatigut misileraalluni aqqiissutip imminerminik  
ingerlateqqissannginnerata pingaaruteqassusianik Naalakkersuisut isumaqataapput,  
tamannalu aamma ukiuni sisamani misileraaffittut piffissaliussap kingornatigut  
annikitsuaqqanik taarsigassiisarnermik aqqiissut imminerminik unittussanngorlugu  
siunnersuummi aalajangersakkamik ilanngussisoqarneranut tunngaviuvoq.

Tamanna tunngavigalugu tamaatut iluseqartillugu inatsimmut siunnersuut  
saqqummiunneqartoq akuerineqassasoq Naalakkersuisut innersuussutigaat.